

影印
文淵閣

四庫全書

影印

文淵閣四庫全書

第一三八五冊

北京出版集團公司
北京出版社

本冊目次

吳都文粹續集（二）

明 錢穀編

……一

欽定四庫全書

集部
吳郡文粹續集卷一

詳校官庶吉士臣朱理

侍讀臣孫球覆勘

總校官進士臣繆琪

校對官助教臣胡子襄

謄錄監生臣孔繼峰

欽定四庫全書

集部八

吳郡文粹續集

總集類

提要

臣等謹案吳郡文粹續集五十六卷補遺二

卷明錢穀撰穀字叔寶長洲人是書乃續宋

鄭虎臣吳郡文粹而作朱彞尊詩話稱穀貧

無典籍遊文徵明之門日取插架書讀之手

抄異書最多至老不倦倣虎臣文粹輯成續

欽定四庫全書

吳郡文粹續集
提要

編聞有三百卷其子功父繼之吳中文獻藉

以不墜云云所稱卷數與此不符疑合功父

續編言之或穀舊稿原有此數後復加刪汰

以成今本彞尊乃據其初稿言之歟此本第

五十三卷五十四卷俱佚第五十卷亦有殘

缺檢勘他本並同流傳既久不免脫遺已非

完本其中所標二十一門分類亦多未確蓋

能博而未能精者然書中所載自說部類家

詩編文稿以至遺碑斷碣無不甄羅其採輯之富視鄭書幾增至十倍學者欲徵文考獻要必於是乎取資焉乾隆四十三年七月恭校上

總纂官 臣紀昀 臣陸錫熊 臣孫士毅

總校官 臣陸費墀

欽定四庫全書

吳郡文粹續集
提要

二

欽定四庫全書

吳郡文粹續集卷一

都邑書籍

吳郡賦

左思

明錢穀撰

東吳王孫軼然而吟曰夫上圖景宿辨於天文者也下料物土析於地理者也古先帝代曾覽八紘之洪緒一六合而光宅翔集遐宇鳥策篆素玉牒石記焉聞梁岷有陟方之館行宮之基歟而吾子言蜀都之富異同之有瑋其區域美其林

欽定四庫全書

吳郡文粹續集
卷一

藪矜巴漢之阻則以為襲險之右徇蹲鴟之沃則以為世濟陽九齷齪而筭固亦曲士之所嘆也旁魄而論都抑非大人之壯觀也何則土壤不足以攝生山川不足以周衛公孫國之而破諸葛家之而滅茲乃喪亂之丘墟顛覆之軌轍安可以儼王公而著風烈也玩其磧礫而不窺玉淵者未知驪龍之所蟠也習其敝邑而不覩上邦者未知英雄之所躔也子獨未聞大吳之巨麗乎且有吳之開國也造自泰伯宣於延陵蓋端委之所彰高節之所興建至德以創洪業

欽定四庫全書

吳郡文粹續集
卷一

11

欽定四庫全書

吳郡文粹續集
卷一

三

1500 - 集 - 1385 - 0003

樞平仲梧櫨松梓古度楠榴之木相思之樹宗生高岡
族茂幽阜擢本千尋垂陰萬畝攢柯擎莖重葩掩葉輪
囷蚪蟠埤塹鱗接榮色雜糅綢繆繡宵露霑霽旭日
晦時與風颺颺颺瀏颺颺鳴條律暢飛音響亮蓋象琴
筑并奏笙竽俱唱其上則頽父哀吟憚子長嘯祝鼉裸
然騰越飛超爭接縣垂競遊遠枝驚透沸亂牢落翬散
其下則有梟羊齧狼猓踰象烏菟之族犀兕之黨鈎
爪鋸牙自成鋒穎精若曜星聲若雷霆名載於山經形

欽定四庫全書

吳郡文粹續集

四

鏤於夏鼎其竹則實當森於桂箭射筒柚梧有篁葉旁有
叢芭筍抽節往往縈結綠葉翠莖冒霜停雪櫛蠹森萃
翁茸蕭瑟檀藥蟬蛸玉潤碧鮮梢雲無以踰嶢谷弗能
連驚驚食其實鵲鵲擾其間其果則丹橘餘甘荔枝之
林檎榔無柯柳葉無陰龍眼橄欖榴禦霜結根比景
之陰列挺衡山之陽素華斐丹秀芳臨青壁系紫房鷗
鳩南翥而中留孔雀綽羽以翱翔山雞歸飛而來棲翡
翠列巢以重行其琛賂則琨瑤之阜銅錯之垠火齊之

寶駭難之珍賴丹明璣金華銀樸紫貝流黃縹碧素玉
隱賑歲裊雜挿幽屏精曜潛穎碧岑山谷碕岸為之不
枯林木為之潤黷隋侯於是鄙其夜光宋玉於是陋其結
綠其荒陬謫詭則有龍穴內蒸雲雨所儲陵鯉若獸浮
石若桴雙則比目片則王餘窮陸飲木極沉水居泉室
潛織而卷綃淵客慷慨而泣珠開北戶以向日齊南冥
於幽都其四野則吟嘷無數膏腴兼倍原隰殊品宸隆
異等象耕鳥耘此之自與穠秀菰穗於是乎在煮海為

欽定四庫全書

吳郡文粹續集

五

鹽採山鑄錢國稅再熟之稻鄉貢八蠶之絲徒觀其郊
隧之內與都邑之網紀霸王之所根柢開國之所基址
郭郭周匝重城結隅通門二八水道陸衢所以經始用
累千祀也憲紫宮以營室廓廣庭之漫漫寒暑隔閼於
邃宇虹霓回帶於雲館所以跨時煥炳萬里也造姑蘇
之高臺臨四遠而特建帶朝夕之濬池佩長洲之茂苑
窺東山之府則瓊寶溢目觀海陵之倉則紅粟流行起
寢廟於武昌作離宮於建業闡閭閻之所營衆夫差之

遺法抗神龍之華殿施榮楯而捷獵崇臨海之崔嵬飾
赤烏之韓曄東西膠葛南北崢嶸房櫳對橫連閣相經
閣闥譎詭異出奇名左稱彎碣右號臨硎彫藥鏤案青
瑣丹楹圖以雲氣畫以仙靈雖茲宅之夸麗曾未足以
少寧思比屋於傾宮畢結瑤而構瓊高閣有閤洞門方
軌朱闕雙立馳道如砥樹以青槐亘以綠水玄蔭耽耽
清流疊疊列寺七里俠棟陽路屯營櫺比解署幕布橫
塘查下邑屋隆夸長干延屬飛甍并互其居則高門鼎
欽定四庫全書
英華文粹續集
卷一
六
貴魁岸豪傑虞魏之昆顧陸之裔岐嶷繼體老成奕世
躍馬疊跡朱輪累轍陳兵而歸蘭鐙內設冠蓋雲蔭閭
閻闐噎其隣則有任俠之靡輕詵之客締交翩翩儼從
奕奕出躡珠履動以千百里燕巷飲飛觴舉白翹關扛
鼎拚射壺博鄱陽暴謔中酒而作於是樂只行而歡飲無
匱都輦殷而四輿來暨水浮陸行方舟結駟唱櫂轉轂
昧旦永日開市朝而並納橫闌闌而流溢混品物而同
屢并都鄙而為一士女佇眙商賈駢坐紵衣締服雜沓

從萃輕輿按轡以經隧樓船舉颿而過肆果布輻湊而
常然致遠流離與珂珮縹緲紛紜器用萬端金鎰磊砢
珠琲闌干桃笙象簟輅于筒中蕉葛升越弱于羅紈儼
嘉譽膠交貿相競誼譁呶呶芬葩蔭映揮袖風飄而紅
塵晝昏流汗霖霖而中遠泥濘富中之賁貨殖之選乘
時射利財豐巨萬競其區宇則并疆兼巷矜其宴居則
珠服玉饌趨材悍壯此焉比盧捷若慶忌勇若專諸危
冠而出竦劍而趨危帶鮫函扶榆屬鏤藏鏹於人去戢
欽定四庫全書
英華文粹續集
卷一
七
自問家有鶴膝戶有犀渠軍容蓄用器械兼備吳鉤越
棘純鈎湛盧戎車盈於石城戈船拚乎江湖露往霜來
日月其除草木節解鳥獸膺膚觀鷹隼誠征夫坐組甲
建祀姑命官帥而擁鐸將校獵乎具區烏潯狼臙夫南
西屠儋耳黑齒之首金鄰象郡之渠羈馘羸裔雪警
捷先驅前途俞騎騁路指南司方出車檻檻被練鏘鏘
吳王乃巾玉輅軺驕驕旂魚須常重光攝烏號佩干將
羽旄揚旌雄戰耀芒貝冑象弭織文烏章六軍初服四

騏龍驤峭格周施置爵普張畢罕瑣結毘蹠連綱法以
九疑禦以沅湘輶軒蓼擾駑騎煒煌袒裼徒搏拔距投
石之部猿臂駢脇狂趨獷狻鷹瞵鶚視趨趨駭蹶若離
若合者相與騰躍乎莽曠之野干鹵父鉞陽夷勃盧之
旅長殺短兵直髮馳騁僂佻至並銜枚無聲悠悠旆旌
者相與聊浪乎昧莫之垠鉦鼓疊山火烈燄林飛燭浮
烟載霞載陰拉攏雷礮崩巖弛岑鳥不擇木獸不擇音
魑魍鰂頰麋麋六駭追飛生彈鸞鵠射獬豸白雉落

欽定四庫全書

卷一
吳郡文粹集

黑鳩零陵絕嶠嶠聿越巉險跣踰竹栢聯猿杞柵封稀
掩神螭掩剛鏃潤霜刃染於是弭節頓轡齊鑣駐蹕徘徊
徜徉寓目幽蔚覽將帥之拳勇與士卒之揚抑羽族
以背距為刀鉞毛犀以齒角為矛鉞皆體著而應卒所
以挂花而為創痛衝蹕而斷筋骨莫不衄銳挫芒拉押
摧藏雖有石林之岑嶠請攘臂而靡之雖有雄虺之九
首將抗足而趾之顛覆巢居剖破窟宅仰攀鵷鷺俯蹙
豺獭剖熊羆之室剽掠虎豹之落猩猩啼而就擒萬

萬笑而被格屠已蛇出象骼斬鵬翼掩廣澤輕禽狡獸
周章夷猶狼跋乎紆中忘其所以睽睽夫其所以去就
魂褫氣懾而自跼蹐者應弦而飲羽形價景僵者累積而
增益雜襲錯繆傾數薄倒岬岫岩穴無所縱翳蒼無靡
鵝思假道於豐隆披重霄而高狩龍鳥兔於日月窮飛
走之栖宿懈澗閼岡岵童曾杲滿效獲衆迴乾乎行睨
觀魚乎三江汎舟航於彭蠡渾萬艘而既同弘舸連舳
巨艦接艦飛雲葢海制非常模疊華樓而島峙時彷彿

欽定四庫全書

卷一
吳郡文粹集

於方壺比鷁首而有裕邁餘皇於往初張組幃構流蘇
開軒幌鏡水區蒿工檝師選自閩禺習御長風狎玩靈
胥責千里於寸陰聊先期而須臾權謳唱蕭蕭鳴洪流
響渚禽驚弋磻放稽鵠鳴虞機發留鵲鵲鈎餌從橫網
罟接緒術兼詹公巧傾任父筌鮪鱗麗鱗魴兩紉巢
鷁鰕乘鱉鼃鼃同眾共羅沉虎潛鹿串籠僭東微鯨輩
中于羣犢攬槍暴出而相屬雖復臨河而釣鯉無異射
鮒於井谷結輕舟而競逐迎潮水而振緡想萍實之復

形訪靈變於蛟人精衛銜石而遇繳文鯨夜飛而觸綸
北山亡其翔翼西海失其遊鱗雕題之士鏤身之卒比
飾虬龍蛟螭與對簡其華質則訖費錦績料其虢勇則
鵬悍狼戾相與昧潛險搜瓊竒摸螭蜺捫觜鵠剖巨蚌
於回淵濯明月於連漪畢天下之至異訖無索而不臻
溪壑為之一罄川瀆為之中貧晒澹臺之見謀聊襲海
而徇珍載漢女於後舟追晉賈而同塵汨乘流以砰宕
翼颺風之颺颺直衝濤而上瀨常沛沛以悠悠汙可休

欽定四庫全書

吳郡文粹卷一

十

而凱歸揖天吳與陽侯指包山而為期集洞庭而淹留
數軍實乎桂林之苑饗戎旅乎落星之樓置酒若淮泗
積肴若山丘飛輕軒而酌綠郵方雙轡而賦珍羞飲烽
起醵鼓震士遺倦衆懷欣幸乎館娃之宮張女樂而娛
羣臣羅金石與絲竹若鈞天之下陳登東歌操南音脣
陽阿詠棘任荆豔楚舞吳歆越吟翕習容裔靡靡惜惜
若此者與夫唱和之隆響動鐘鼓之鏗肱有殷坻頽於
前曲度難勝皆與謠俗汁協律呂相應其奏樂也則木

石潤色其吐哀也則淒風暴興或超延露而駕辯或踰
淥水而采菱軍馬弭髦而仰秣淵魚竦鱗而上升酣滑
半八音并懽情留良辰征魯陽揮戈而高麾回曜靈於
太清將轉西日而再中齊既往之精誠昔者夏后氏朝
羣臣於茲土而執玉帛者以萬國蓋亦先王之所高會
而四方之所軌則春秋之際要盟之主闔閭信其威夫
差窮其武內果伍員之謀外騁孫子之奇勝強楚於栢
舉棲勁越於會稽闕溝乎商魯爭長于黃池徒以江湖

欽定四庫全書

吳郡文粹卷一

十一

險陂物產殷充繞雷未足言其固鄭白未足語其豐士
有陷堅之銳俗有節槩之風睚眦則挺劍喑鳴則彎弓
擁之者龍騰據之者虎視麾城若振搗塞旗若顧指雖
帶甲一朝而元功遠致雖累葉百疊而富強相繼樂滑
衍其方域列仙集其土地桂父練形而易色赤須蟬蛻
而附麗中夏比焉畢世而罕見丹青圖其珍瑋貴其
寶利也舜禹游焉沒齒而忘歸精靈留其山阿翫其
奇麗也剖判庶士商摧萬俗國有營鞅而顯敞邦有湫

阨而蹉跎伊茲都之亟弘傾神州而韞積仰南斗以斟酌兼二儀之優渥由此而揆之西蜀之於東吳小大之相絕也亦猶棘林螢耀而與夫梲木龍燭也否泰之相背也亦猶帝之懸解而與桎梏䟽屬也庸可共世而論巨細同年而議豐确乎暨其幽遐獨寥廓閒真耳目之所不該足趾之所不蹈倜儻之極異詭詭之殊事藏埋於終古而未寤於前覺也若吾子之所傳孟浪之遺言畧舉其梗槩而未得其要妙也

欽定四庫全書

吳郡文粹卷一

十三

左思字太冲齊國人少博覽文史欲作三都賦乃詣著作郎張載訪岷邛之事遂構思十稔門庭藩溷皆著紙筆遇得一句即疏之徵為秘書賦成張華見而咨嗟都邑豪貴競相傳寫三都者劉備都益州號蜀孫權都建業號吳曹操都鄴號魏思作賦時吳蜀已平見前賢文之是非故作斯賦以辨衆惑

弔閼閭賦

王鑒

昔閼閭之霸吳兮卒託體乎茲丘慨往跡之日湮兮曾

不可乎復求峯巒紛其環合兮浮屠臺殿鬱以相樛叶忽平岡之拆裂兮劍池滄淪而深黑俯莫測其所窮兮仰不見乎白日兩崖嶽崱而闢囂兮又巉岩而斗絕信天造之險巖兮為神怪之窟穴將舉首而闚其淺深兮先魂驚而慘栗彼呂政之雄哮兮力驅石而填海將破山而求之兮藐不知其所在宜元之之不信兮謂往牒之我紿歲正德之協洽兮劍池忽焉其枯涸何昔日之滄淪兮今山徑之磽确伊水旱之常數兮非予人之所度石鎔研而雙蔽兮類墓門之頽駁試往造乎其間兮將舉武而旋却始沮洳以忽明兮諒欲退而不可儼湊題之可捫兮森怪石之欲隨豈漆燈之將滅兮若有俟乎王果嗟吳王之物化兮求彷彿其不見想頽池之既塵兮何有玉鳬與金鴈彼槃郢與扁諸兮疑此語之為幻何千年之神閼兮忽一朝而呈露也旋黯然而復閉兮殆神物之呵護也昔驪山之強項兮後會稽之妖珣錮南山其猶有隙兮信多藏之為害獨空空以保全兮

欽定四庫全書

吳郡文粹卷一

十三

因茲丘而增慨

吳子城賦

每過吳故墟未嘗不慨想其盛而悼其衰也故為之

賦

泰伯遺墟干將故里臺閣翬飛冠蓋鱗次喟彼荒郊荒
何為乎城之裏但見愁煙鬱而四積悲風慘而時起頽
墉突阜剩水殘濠野雉朝雊鵲鳴鵲夜號沉牙折戟墮珥
遺翹漸漸惟麥之秀離離彼稷之苗父老告子曰此吳

欽定四庫全書

吳郡文粹續集

十四

王之遺宮也方吳盛時志大功高入楚柏舉敗越夫椒
城規方於八卦門僭擬於三朝跨長洲之茂苑館芋蘿
之艷妖帶以錦帆之淫歷以金母之橋爰有涼臺溫室
鏤楫繡栢風亭月榭硬壁板塗飾以珎琳琅玕間以木
難珊瑚鳴佩鳬遙高冠鵲趨自謂百世君之豈意至於
是耶吳祿既更歷代崇飾春申桃夏秦皇刻石危亭爰
夷雕闌紆直齋雲之樓凝香之室木蘭之堂交映翕赫
疊石則截業嶠嶢鑿沼則困潏澄碧蘭芷羅生乎其間

竹松駢列於其側羅綺爭春而妖冶歌鐘入夜而嘈雜

韋白耽於吟玩皮陸侈於酹答迨宋迄元更為治所雙

蓮四照池光春雨歲時觀遊麗無踰者而何至於是耶

蓋自元政隳羣雄驚白駒駭酋乘間竊據挾嘉湖杭以

自雄擢黃蔡葉而為輔盛稷下之文儒忽太湖之飛渡

煬繼迷樓卓矜郿隄倏天兵四面以重圍金陵百雉而

莫固技殫九攻倉皇一炬歷代繁華可憐焦土遂使燕

巢再燬麋鹿重游竭南國之脂膏坐受其困激東溟之

欽定四庫全書

吳郡文粹續集

十五

波浪莫洗其羞且夫傾宮阿房非不麗也鉅橋瑯林非
不富也峭關翠洛非不固也自古如斯曷之故也豈仁
義不修燕安之可畏耶將氣運靡常盈虛之有數耶惟
是吳墟殷鑒斯在前既顛隳後仍荒殆登茲城以徘徊
寄千古之一慨

弔故宮賦

徐禎卿

陟墟原兮望迤靡倚國門荒衍寥廓宮闕燒殘墉雉集
業坭土蔓延馳道傾圯鞠為陌阡秀麥含榮麻菽芊芊

雜草叢欽叢葛幡幡非兮散兮鬱鬱連連鳴雉于飛竹
樹翳蕃烏燕黃雀羣飛翔翔疾風揚塵決暖蔽天四望
鬱兮愴可憐也念彼壯夫亦可嘆也繁華狼籍不可還
也失任減智嗟何怨也百歲之後又誰為冤也

吳郡圖經續記序

朱長文

方志之學先儒所重故朱贛風俗之條顧野王輿地之
記賈耽十道之錄稱於前史蓋聖賢不出戶知天下矧
居是邦而可憤於古今哉按唐六典職方氏掌天下之

欽定四庫全書

吳郡文粹續集

十六

地圖凡地圖命郡府三年一造與版籍偕上省聖朝因
之有閏年之制蓋城邑有遷改政事有損益戶口有登
降不可以不察也吳為古郡其圖志相傳固久自大中
祥符中詔修圖經每州命官編輯而上其詳畧蓋繫乎
其人而諸公刊修者立類例據所錄而刪撮之也夫舉
天下之經而修定之其文不得不簡故陳迹異聞難于
具載由祥符至今踰七十年矣其間近事未有紀述也
元豐初朝請大夫臨淄晏公出守是邦公乃故相國元

獻公之子好古博學世濟其美嘗顧敝廬語長文曰吳
中遺事與古今文章湮落不收今欲綴輯而吾所善練
定以為惟吾子能為之也長文自念屏跡陋巷未嘗出
庭戶於求訪為艱而練君道晏公意屢見趣勉於是叅
攷載籍探摭舊聞作圖經續記三卷凡圖經已備者不
錄素所未知則缺如也會晏公罷郡乃藏於家今太守
朝議大夫武寧章公治郡三年以政最被命再任此因
臨長文所居謂曰聞子嘗為圖經續記矣子願觀焉於

欽定四庫全書

吳郡文粹續集

十七

是稍加潤飾繕寫以獻實諸郡府用備咨閱固可以質
凝滯根利病資議論不為虛語也方聖上睿謨神烈聲
教光被海隅出日罔不率俾廣地開境增為郡縣倘或
申命方州更定圖籍則此書庶幾有取也事有缺畧猶
當刊補其古今文章別為吳公總集云元豐七年九月
十五日州民前許州司戶叅軍朱長文上

書吳郡圖經續記後

常安民

昔揚子雲嘗有言仲尼多愛愛義也子長多愛愛奇也

予嘗患之今記述類多博收泛採譬如廣厦大肆百物羣品雖然陳立於前而無所別異此記述者之公患也辭曹朱伯原少以文學第進士退居吳郡博覽載籍多所見聞因為圖經續記以補缺遺觀其論戶口則繼之以教陳風俗則終之以節至於辯幻王之悲正語兒之妄紀譚生之譏其議論深切著明皆要之禮義與夫守牧之賢人物之美事為之善凡前言往行有足稱者莫不褒嘉嘆異重複演說信乎所謂君子於言無所苟者

欽定四庫全書

吳郡文粹續集

十八

予每至伯原隱居愛其林園臺沼逍遙自樂及得斯記觀之然後又愛其趣識志尚洒然有異于人使逢辰彙征則其所攄發豈易量哉惜其遺逸沉晦而獨見於斯記故為書其後以身待知伯原者元祐元年四月十五日臨印常安民書

圖經續記後序

林處

余家自伯父皇考洎諸父奉王大母大母來居於蘇著籍此州者五十年矣今帶城橋儒學坊為吾家塲也橫

山之寶華華山之博士塢吾家二母之所葬也余雖少長於蘇而山川城邑津梁園觀往往未知其所由來嘗以問樂圃先生先生出所為圖經續記以示我曰此一覽盡之矣退而觀之千數百載之廢興千數百里之風土燦然如指諸掌嗚呼何其備哉先生之書三卷若干條而所包括者古今圖籍不可勝數雖浮圖方士之書小說里諺之言可以証古而傳久者亦畢取而並錄先生豈欲矜淹博而耀華藻哉舉昔時牧守之賢冀來者

欽定四庫全書

吳郡文粹續集

十九

之相承也道前世人物之盛冀後生之自力也溝瀆條浚水之方倉庾記裕民之術論風俗之習尚夸戶口之蕃息遂及於教化禮樂之大備於是見先生之志素在於天下者也豈可徒以方域輿地之書視之哉先生未冠而擢第英聲振於士林不幸以末疾卧家不得建其志於斯民然而潛心古道篤於著述其所撰次成帙如是書者非一竊嘗探測其淵源而妄論其規制以謂黃鍾大呂不足以比其清陽阿激楚不足以方其妙齊統

蜀錦不足以埒其華崑玉南金不足以麗其美長江巨河不足以況其遠輕車駿馬不足以侔其逸意者左丘非失明國語不成虞卿非窮困春秋不作一何發揮之妍麗也不然天將激先生以鳴斯文是以固陋之耶雖然先生之疾損矣無害其可以亨舉于天衢也昔者劉向非大發天祿石渠之藏不能盡論分野之風物賈耽非博詢遐陬絕域之衆不能悉知華夷之道里先生之才不歎於二子特處非其所而已與其陳四境之形勝

欽定四庫全書

吳郡文粹卷集

三

孰若使志四海之封畛與其論千里之事物孰若使綜萬方之利害况史觀經始品藻才難當筆削之任者非先生而誰可哉伏讀終篇感先生之未遇輒書卷末庶幾萬一有徵於朝廷今日當為官而擇人者元祐七年十二月朔大雲編戶林處序

圖經續記後序

祝安上

秘書省正字樞密院編修朱公伯原嘗為前太守晏公作吳郡圖經續記三卷既成而晏公罷去遂藏於家其

後太守章公雖求其本以真郡府而見之者尚鮮也元符改元安上以不才濫綰倖符到郡之後周覽城邑顧瞻山川竊欲究古今興替盛衰之迹而舊經事簡文繁考證多缺方欲博訪舊聞稍加增綴而得此書於公之子耜讀之終卷惜其可傳而未傳也於是不敢自秘偶以承乏郡事俾鏤板於公庫以示久遠若乃著述之本意則詳於自序而攄辭之博瞻指意之深遠則又詳於常林二君之後序矣茲不重見姑誌其刻鏤之歲月云

欽定四庫全書

吳郡文粹卷集

三

越明年歲在庚辰八月望日朝請郎通判蘇州權管軍州事祝安上書

圖經續記後序

孫佑

自庚辰八月權州祝君鏤板題跋之後距今紹興甲寅實三十五年佑被命假守時兵燹之餘圖籍散亡秉筆凝滯觸事面墻每賢士大夫相過必以諮訪未幾前湖州通判陳能千自青龍泛舟携此書相訪開卷欣躍因授學官孫衛補葺校勘復為成書以傳異日職方氏續

新中興新書當亦有取於斯則樂圃先生之志不泯矣
紹興四年六月初十日連水孫佑書

蘇州府志序

宋濂

吳在周末為江南小國秦屬會稽郡及漢中世人物財賦為東南最盛歷唐越宋以至於今遂稱天下大郡然其因草盛衰之際紀載於簡冊者自吳越春秋越絕書以下若晉張勃顧夷隋虞世基唐陸廣微等所述及元和郡縣志寰宇記各有所明迨宋之時羅處約有圖經

欽定四庫全書

吳郡文粹續集

三

朱長文有續記范成大趙與憲皆撰類成書厥後有章慙者病其未完作吳事類補宋亡書頗散軼元趙鳳儀為總管嘗集諸儒論次遺闕會改官不果成入國朝吳縣教諭盧熊閱前志之乖紛以為苟不合而一之恐不足以示來者乃攬衆記摭遺事芟繁取要族別類分為志以述地理都邑文學祠祀食貨兵衛之屬為列傳以見古昔人物之美其目曰名宦名臣儒林藝文良吏忠義孝友高行隱逸而列女之節方技之良及其事有不

可棄者附焉前為畫圖以著疆域之異同後有集文以

備古今之制作總之為五十卷於是數百里之內二千載之間其事可按書而得矣洪武十一年知府廬陵李侯亨嘉是書之有繫於政也將命工刻板以傳丁內艱去已而高郵湯侯德來繼其職遂督成之熊用薦者出由工部照磨為中書舍人以予有同朝之好請叙其首古者列國皆有史官下至州閭莫不有之然不過記言書事而已及漢司馬遷班固創為序記傳志年表之法

欽定四庫全書

吳郡文粹續集

三

由是四海之內無復遺事信史氏之善者也後世郡得專社稷山川之祭遂有政令教化之施儼如古諸侯之國固不宜無所紀述而況於吳嘗為封國非他郡之比者哉歷漢至今雖間有所作而無完文以考其事物之全誠政之缺者也熊獨毅然以筆削為己任效史漢之法損益舊典為一郡成書豈非好古之士乎李湯二侯能知所重而圖其傳亦可謂達於政體者矣後之人覽此書治身居官取前人之成憲以為法將見道德興而

習俗美句吳之區與鄒魯無異矣則是書之為教不亦大哉予喜熊能急於世俗之所緩篤於好古也為序其槩俾刻傳焉洪武十二年四月既望前翰林承旨嘉議大夫知制誥兼修國史兼太子贊善大夫金華宋濂序

姑蘇郡邑志序

劉昌

鄱陽邱侯守姑蘇之再明年予歸自嶺南適中書舍人李應禎貞伯陽武訓導陳頌永之皆以告家居以嘗有斯文之契也相與理姑蘇遺跡而及於禮文典則之事

欽定四庫全書

吳郡文粹續集

三

侯曰吳自泰伯以禮讓立國至言游北學於孔子而仁義道德之說益推達而充周其後若嚴助朱買臣之詞華陸澄陸元朗之博決范仲淹父子之忠賢尹焞魏了翁之學道他如高人逸士則有張翰陸龜蒙皆出于斯郡而望於天下者文獻之實有徵不誣今既千有餘年出為等倫之魁列為法從之賢而爵為儒宗者且若山立水湧前者導而後者繼也不亦盛哉當時領節鎮如李栖筠如李德裕典郡邑如鄧攸如韋應物如白居易

以及我朝諸聞卿又復俊偉光大足以名今而垂後風聲所被而俗效之姑蘇文獻之成宜非一朝夕也然盛則衰醇則漓轉移之機厥有所寄矣吾欲考求遺禮訂正古樂以隆時祀以表章鄉賢齊整風俗此必有所師資而名物遺矩載於前志多散逸缺漏無所稽裁補而葺之實惟二三君子有賴予謝不敏李君曰此侯之惠教吾蘇也於是相與諾之侯復聘高年延俊彥志意真確期於克協乃法范文穆公成大所撰志參以百家裨以羣史人以代著文以事從郡摠而邑分之凡一百卷李君陳君諸俊彥之功為多發凡證例余亦豈敢抑討論紬繹則竊欲勉焉耳矣侯名霽字時雍天順庚辰進士以刑部主事拜今官高年文學之士則杜瓊用嘉陳寬孟賢鄉貢進士施文顯與伯陳瑀汝玉儒士賀甫美之周京元基成化十年正月既望

重修姑蘇志序

王鏊

夫志何為也者紀載郡之封域山川戶口物產人才風

欽定四庫全書

吳郡文粹續集

三五